



05.november 2020

UKA2020/166

Nunat avannarliit killiit akornanni inuusuttut piffissami aalajangersimasumik killilikkami aalajangersimasumik akikitsumik akeqartillugu angalasinnaangortillugit aaqqissuussinermik "inter-rail'itut" ittumik pilersitsisinnaanermik – imaluunniit allatut assersuutigalugu angalanermut ta-piissutinik legatinik pilersitsinikkut nunat avannarliit killiit inuusuttunut ammaannissaannut periarfissanik misissueqqullugit Nunat Avannarliit Killiit Siunnersuisoqatigiiffiata Savalimmiuni, Ka-laallit Nunaanni aamma Islandimi Naalakkersuisut kaammattorpai.

(Aallartitat siulittaasuat Vivian Motzfeldt)

Silaannakkut angallannerup eqaallisarneqarnerani aaqqissuussinerit maanna angisuut pileruttorput. Siunissami inuusuttortatsinnut periarfissat uagut inuusukkallaratta allaanerungaartunit atugaqartussaapput. Silarsuaq toqqaannartumut ammasoq aammalu angalanermi periarfissat amerlanerusut ingerlaarfissallu sivikinnerusumik ingerlaarfigineqarsinnaasut piulersussaapput.

Inuusuttorpassuit maanna nunanut allanut atuariartortalernikuupput, ukiiartortalernikuupput aammalu allanertat oqaasiinut pikkorissorujussuannngornikuupput. Tamakku peqquteqarpiarput internettikkut attaveqaateqarluarnerup aammalu angalasinnaanerp periarfissaasa amerlinerisigut. Soorunami nualluussuup atuutilinginnerisa sionratigut.

Nunat avannarliit killiit ikinngutigaaavut sorpassuartigut. Qularutissaanngilaq aamma nunaqqativut taakkununga nunanut aamma takornariartarneri annertusiniikuupput toqqaannartumik ornineqarsinnaalersimanagerisa kingunerisaanik.

Siunnersuuteqartup kissaatigaa arlaatigut aaqqissuussisoqassasoq inuusuttut piffissami aaliangersimasumi killilikkamik aaliangersimasumik akikitsumik akeqartillugu angalasinnaangorlugit aaqqissuussinermik pilersitsisoqassasoq, imaassinnaasoq Interail-itut ittumik imaluunniit rejselegat-itut it-tunik aaqqissuusinikkut.

Naalakkersuisut akissuteqarnerminni nualluussuup kinguarsaanerata kingorna aammalu akissaqas-suseq qulakkeerneqareerpat suliassaqqittut isigalugu. Akissuteqaatigineqartunili eqqaaneqanngi-laq ilinniartitaanikkut aammalu takornariaqarnikkut suleqatigiinnitsigut periarfissat atorlu-arneqarsinnaaneri. Nunat pingasuulluta takornariaqarnikkut siarsaaqatigiilluta suleqatigiippugut, isumaqarluinnarpungalu taakku legat-itut taaneqarsinnaasut nunat pingasut takornariaqarnikkut si-unnersuisooqatigiiviatigut legat-inik tunniusseqatigiittartunngortinnerisigut inuusuttut angalasus-

Nunatta Qitornai

Inatsisartuni



sat takornariaqarnerup siuarsarnejarnissaanut ámbassadøritut´inissisimallutik saqqumilaartitsinia-
rnermi atorluarneqarsinnaasut. Tamarmik iluaqutigisinnaasaannik aqutissamik nassaartoqarsinna-
assagaluartoq isumaqarpunga, win – win.

Taamatut siunnersuuteqarnikkut isumaqarpunga ataatsimiititaliap isumaliutissiissuteqarnermini
periarfissat misissuataarsinnaagai, tamannalu aamma aqqissuussineq nunat pingasut suleqatigiis-
sutaanik ataqatigiissaareqatigiiffiusumik pissagaluartoq isumaqarpunga.

Siunnersuut pitsaasutut nalilerlutigu ataatsimiititaliamut ingerlateqqipparput.